

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 196 del 31/01/2025

De studentn va de universitet va Innsbruck, va Poazn ont va Trea't meing se innschraim en de edizion 2025

Euregio Brussels School 2025: vrong offet finz as de 28 van hourneng

[Mòcheno] Schaung bos as tea' de europeische istituzioni en ka Bruxelles, verstea' abia as òrbetet de europeische Union ont de international diplomati, klòffen pet de politiker ont hoacha viarer ont kring kreditn ECTS (European Credit Transfer System) ver en aigene kurs va riftitl: barts bider moglech sai' en summer van 2025 ver de studentn innschrim en an Master van universitetn va Poazn, va Innsbruck ont va Trea't. De vrong ver en Euregio Brussels School 2025 sai' offet ont s hòt zait finz as de 28 van hourneng as kimp.

Der interdiziplinarkurs ist organisart van Omt as zòmmpintet der Euregio Tirol-Sdtirol-Trentin ka Bruxelles. S bart sai' s viarzenste vòrt, s bart se hòltn va de 23 finz as de 27 van prochet 2025 en de haupstòtt van Belgio ont de bart kearn en de studentn innschrim en an Master, drinngahòltn de studentn van Erasmus+ aa, van òlla de kursn va riftitl van universitetn drautschrim, pet en zil za meing kring kreditn ver en aigene kurs va riftitl, as sai' miast versichert vouraus.

Arno Kompatscher president va de autonome Provinz va Poazn ont president van Euregio, Maurizio Fugatti president va de autonome Provinz va Trea't ont der kapitan van Tirol Anton Mattle untermitteln de jungen za probiern za nemmen toal en learprojekt, ont untermitteln as s zòmmtoln ont s paun van an zòmmlen pet rua va de Europeische Union vinnt bichtega burtzn en kennen ont en belln zòmmbòrbetn. De zòmmbòrbet zbischn Lender, Regionen ont Provinzn ka Bruxelles tuat aupaun òrbetn as derekt en òlltolem van lait zuakearn. "Ver an stòttkear ist noat kennen de sistem va de politik ont va de amministrazione va de EU; s sinnvoll ont bèrtet ver en envirgea' van gamoa'schòftn, nogea' va glaim en gasetzring va de EU. S ist derzua bichte ver de òllgamoa'amministrazioni ont ver de stakeholder van lender, zòmmeing auskennlait iber en de organisation ont en modus operandi va de EU ont van Euregio selber", song Kompatscher, Fugatti ont Mattle.

Men lont inn za nemmen toal iberhaup ber as zòmmeing billt de sòchen galeart en de universitet pet de praktesn vorm ont ber as a'nungen tauschn billt pet de europeisn politiker ont pet de studentn van Euregio Tirol-Sudtirol-Trentin. S program ist runt enteressant ver bem as an òrbetben en politik, haitzegentogschicht, ibersetzung oder kulturallear u'vongen billt, oder ver bem as netzn ont kamaròttschòftn um en de bèlt paun billt.

òlla de nochrictn iber en innschraim se do en [doi link](#) (af englesch)

Ibersetz gamòcht van Sprochtirl va de Tolgamoa'schòft Hoa Valzegu' ont Bersntol

(cdt)